

交際金書

界 各
書 全 際 交
編 正

撰 冷 鐵

最新各界
酬世錦囊

交際全書卷二

交際書札

特殊交際類

▲總統府

賀總統當選

敬肅者竊某曾承 恩眷夙隸 仁帡欣鳳附之有光卜 龍
潛之獲用恭維 大總統天凝 鼎命國授 乾符玉券分投
簪筆射 萬錢之中金滕互納題經 冠千佛之名允 文武
而定中原四彝 作式合祿位以歸 大德五族臚歡 元首
惟明羽毛咸仰某弓刀小隊比及三年鎖鑰上游謬領一道樓

臺近水風聞來傾耳之音

閶闔定儀日接豫觀

顏之請虔

脩駢語謹賀鴻禧

帡

帡屋也在旁曰帡在上曰幪法言云然後知夏屋之爲帡幪也仁帡猶言仁宇

鳳附

後漢書耿純謂光武曰從大王於矢石間者因望攀龍鱗附鳳翼以成其所志耳

龍

潛

易經潛龍勿用

鼎命

徐陵爲陳武帝與周宰相書梁氏以天祿斯改期運永終欽若唐風推其鼎命

乾符

晉書孔坦傳乾符啓再集之慶中與應靈期之會

玉券

顧况開元觀碑玉馬之券得之者上騰九天

射錢

五代史全蜀世家太子元膺能射錢中孔嘗抱畫毬擲馬上馳而射之無不中

金膝

武王疾周公禱

於三王請以身代史納其祝冊於金膝之匱中後管蔡流言成王啓匱得書乃知周公之勤勞執書以泣

題經

傳燈錄有秀才看千佛名經問拍賢禪師曰百千諸佛但見其名未審居何國

土還化物也無曰黃鶴樓崔灝題後秀才還曾題也未曰未曾得開題一篇好

允文

詩經允文允武昭格烈祖

大德

中庸故大德必得其位必得其祿

元首

書經元首明哉股肱良哉

小隊

宋史兵志小隊用命中隊應援

比及二年

論語

上游

羅隱詩征東幕府十三州敢望非才忝上游

近水樓臺

蘇麟貴范仲淹無薦書獻詩曰近水樓臺先得月向陽花木易爲春

閶闔

天門也宮之正門亦稱閶闔見三輔黃圖

覲

下見上之稱古者諸

侯見天子曰覲

賀總統就職

敬肅者竊某久殷霓望願效雲從知聖人能執厥中料天

下當定於一恭維大總統榮膺圖籙瑞集共球拱北瞻

辰箕畢協從星之好面南正己梯航脩覲日之儀法揖

讓於唐虞左皋右禹擴輿圖於秦漢東海西沙垂象凝

離飛龍定鼎遙瞻莫茁莫罄葵傾某空負駒馳愧中流

而擊楫謬膺鸚薦向絕域以乘槎雖會列衣裳力持國體而

籌參帷幄仍秉睿謨惟有益矢戰兢庶或畧圖報稱謹貢吉

語虔賀崇禧

霓望孟子若大旱之望雲霓雲從易經雲從龍風從虎執中論語天之歷數在爾躬允執其中定於一孟子圖

籙後漢書王梁孫咸名應圖籙越登槐鼎之任北辰論語譬如北辰衆星拱之從星書經庶民惟星星有好風星有好雨又曰月之從星則以風雨注云月經

於箕星之度則多風離於畢星之度則多雨喻民之好惡不同也正己論語恭己正南面而已矣梯航令狐楚文百蠻梯航以內面言梯山航海而來也皋

禹

謂皋陶夏禹也

西沙

沙指西北方之沙漠而言不能指定一處與禹貢之流沙專指蒙古額濟納旗之地不同

離

離位於南方爲君象故稱南面者爲離象

飛

龍

易經飛龍在天利見大人

定鼎

左傳成王定鼎於郊鄆定鼎猶言建都今稱得天下曰定鼎

莫

瑞草也堯時夾階而生故稱莫莢

擊楫

晉祖逖渡

江中流擊楫而誓曰不能清中原而復濟者有如此江

鸚鵡薦

孔融薦禰衡疏曰鸚鵡累百不一如鸚鵡後因謂保薦爲鸚鵡薦

絕域

漢張騫曾乘槎泛牛渚並使西域

衣裳會

公羊傳齊桓公衣裳之會三兵車之會六

帷幄

漢書運籌帷幄之中

睿謨

柳宗元賀雨表睿謨潛運甘雨遂周

報稱

漢書

無以報稱

上總統謝封號

清露未晞。夙沐

藜蕭之澤。

朶雲初捧。又

頒芝草之泥喜

聞命之自天。實抱慚而無地。

恭維大總統德柔大陸

威靖廣輪。

懋賞懋官。五等列

商周之爵。分左分右。夾輔

嘉旦。爽之勳數。故友於嚴光。同攀

鳳翼。儕徹侯於雍齒。轉訃

羊頭。

異數所加。私衷益悚。某十年負弩。祇備前驅。千里輸糧。

倖登上考。伏波老去。敢修銅柱之功。定遠歸來。猶識玉關之路。

辱承策勵。願備奔馳。謹掬謝忱。敬啟鈞座。

露晞

詩經兼葭。淒淒白露未晞。

蓼蕭

詩經。蓼蕭斯零。露渥兮蓼長。大貌。小序云。蓼蕭澤及四海也。

朶雲

韋陟嘗以五采綵爲書。記使侍妾主之。陟惟署。

名自謂所書陟字若五朶雲。故今人稱書翰爲朶雲。

芝泥

庾信。漢武帝聚書贊。芝泥印上玉匣封來。

廣輪

周禮大司徒知九州之地域廣輪之數。註東西爲廣。南北爲輪。

懋官

書經。懋懋官。功懋懋賞。

五等

商周定公侯伯子男爲五等封爵。

夾輔

謂左右之也。左傳。夾輔成王。旦謂周公。爽謂召公也。

嚴光

嚴光。漢光武之故人也。與帝共臥。曾以足加帝腹。

雍齒

從漢高祖起義。旋畔去已。而復從高祖。戰有功。高祖不直其人。後恐諸將怨望。乃聽張良言。先封雍齒。於是羣臣皆喜。曰。雍齒且侯。

吾屬無患矣。

羊頭

後漢書。竈下養中郎將。爛羊頭。關內侯。

負弩

逸周書。武王伐紂。散宜生。閔天。負弩前驅。

上考

官吏考成之最上者也。唐書。清慎勤。

公爲上執事。無私爲中。不勤其職。爲下。

銅柱

林邑記。馬援植兩銅柱於象林南界。與西屠國分疆。援號伏波將軍。

玉關

班定遠曾使西域。玉門故關在龍勒縣西。爲西。

域門戶見元和志。

賀總統壽誕

電環樞斗。聿開少典之靈。月貫互虹。咸識扶餘之瑞。騰洪暉。

於百葉共慶滂洋署令節於千秋遠流祉祚恭維大

總統玉曆日月金鼎乾坤多福多壽多男合荷天庥而

受祿立言立功立德宜符美意以延年躋堂稱羔韭之

觥鳩扶耆老承筐譜鹿茸之什燕式嘉賓南極星明北

宸雲拱萬年景祐四海臚歡某絕塞綢繆久消刁斗郵程迢

遞未獻鏡囊聿逢洪算之無疆佇卜泰元之有慶謹陳賀

悃敬頌福綏

樞電劉孝標辨命論星虹少典楊雄劇秦美新縞少典之苗著虹貫月帝王世紀金

光之星貫月如虹感女百葉三國魏志自謂本滂洋饒廣也漢千秋節隋唐嘉話

明皇生辰玉曆（搜神記）虞舜耕於歷多福華封人祝堯曰使聖人富受祿宜民宜

為千秋節立言左傳太上有立德其次有立功其羔韭詩經四之日其蚤獻羔祭韭扶老水

注高祖與項羽戰遁於薄中鳩止鳴其上追者以爲無人遂得脫卽位後作鳩杖以扶老

鹿苹

詩經呦呦鹿鳴野食之苹我有嘉賓鼓瑟吹笙吹笙鼓簧承筐是將

南極

史記狼比地有大星曰南極老人老人見治安不見兵起

刁斗

漢書注刁斗以銅爲鑊受一斗晝炊飲食夜擊持行

鏡囊

王建鏡聽詞可中三日得相見重繡鏡囊磨鏡

面

泰元

漢書禮樂志惟泰元尊媼神蕃釐

謝予文虎章

敬肅者溯自雄宣虎闕江漢銘周室之勳相著虎飛關塞樹漢家之績佩虎符而列陣咸仰明威開虎韞以談兵分承睿算恭維大總統星占虎變風應虎從虎踞上游城郭鬱金陵之氣虎驅邊徼旌旗息玉壘之烽與虎節以同頒敢忘虎拜入虎帷而共侍曾附虎臣虎穴旣探虎謁不負虎纔射罷已慚李廣之聲名虎未繡成又絀陳思之才調雖光騰虎氣暫戍雄都而質詭虎皮忝邀異數虎頭竊愧虎尾誠危

敬達。虎闥用昭虎旅謹謝。

虎闥

詩經王奮厥武如震如怒進厥虎臣闥如虓虎

江漢

詩大雅有江漢章詠宣王命召虎平淮南夷事

虎飛

漢書班超傳燕領虎頭飛而食肉此萬戶

侯相

虎符

史記信陵君傳得虎符奪晉鄙軍

虎韞

南唐書梁王徐知誨嘗遊桂林山除地爲廣場編虎皮爲大帳率僚屬會於下號曰虎韞

虎變

易經大人虎變其文炳也

虎踞

李白歌龍蟠虎踞帝王州帝子金陵訪古邱

旌旗

李白司馬將軍歌揚兵習戰張虎旗

玉壘

晉書穆帝紀贊西旌

玉壘北

烽

張協詩烽火列邊亭

虎節

周禮掌節凡邦國之使節山國用虎節澤國用龍節

虎拜

詩經虎拜稽首天子萬年

虎臣

詩

矯矯虎臣在泮獻猷

虎穴

漢班超使西域謂其屬官曰不入虎穴焉得虎子

虎隅

孟子有衆逐虎虎負隅莫之敢撓

射虎

漢書李廣傳廣出獵見草

中石以爲虎而射之中石沒矢視之石也其所居郡有虎常自射之

繡虎

世說曹子建七步成章世目爲繡虎封陳王謚曰思

虎氣

杜甫詩虎氣必騰上龍身寧久藏

虎皮

法言羊質而虎皮見草而說見豺而戰忘其皮之虎也

虎尾

書經心之憂危若蹈虎尾塗於春冰

虎闥

王融曲水詩序出龍樓而向豎入虎闥而

齒

虎旅

李白李藏用移軍序翕振虎旅赫張王師

上總統辭勳位

大總統睿鑒。十年征戍苦憶遼陽而回首臨洮不復有哥舒。

蹤迹外籌邊患內計。國威遜詔未頒已對俸錢而愧矣。南北
統一未報涓埃。徒以待罪嚴疆。倉猝不能交替。河干輪輻。顏汗
素餐。乃猶稠疊加恩。列諸五等。雖新朝寵命。故舊不遺。獨
不慮泣龍羣彥。齒冷耶。卽或俯念衰朽。藺能讓廉。而萬里沙飛
一城斗大。不識能生入玉門。關否以言建勳。未敢於玄黃龍戰
時上欺聖明也。天假餘年。爲捍牧圉。汪濊所沛。不復再辭。
此次匪頒。敬懇收回。成命暮年。荒微入覲。何時謹貢愚
忱。伏維亮鑒。

遼陽

沈佺期詩十年
征戍憶遼陽

哥舒

唐西鄙人哥舒歌至今
窺牧馬不敢過臨洮

俸錢

岑參詩成都春酒
香且用俸錢沽

河干

詩經坎坎伐檀兮
實之河之干兮

泣龍

龍喻君上也泣龍
羣彥謂故臣也

讓廉

趙王以相如爲上卿位在廉頗之右頗曰
我見相如必辱之相如聞之每朝常稱病

不出斗大

南史宗慤怒曰我年六十
得一州如斗大謂小城也

玉關

見龍戰

易經坤上六
龍戰於野

牧圉

左傳太叔
曰臣不佞

不能負羈綬
以從扈牧圉

汪濊

司馬相如文
湛恩汪濊

微

邊微也古以木
柵爲蠻夷界也

賀就府秘書長

敬啓者。往陪東觀。曾然乙火之藜。旣直西清。應視辰樞。
之草。張留侯參居帷幄。是曰帝師。陸宣公彌布經綸。咸呼
內相。恭維先生才高倚馬。學富探驪。玉繩金掌之天。
緋袍簪筆。紫誥黃麻之地。青瑣銜環。相如則體擅高文。
微之則名馳中禁。琳瑯耀目。珠玉揮毫。鳳藻旣翔。鵬搏
益奮。某浮沈宦海。鷗鳥同閒。生死書叢。蠹魚亦拙。世間名士。誤
於憎命之文章。天末故人。許我及時之位置。無忘夙約。用展
微忱。謹請撰安。諸祈霽照。

東觀

漢時官中
藏書之所

藜

劉向校書天祿閣見太
乙神然藜杖以照讀

西清

清宮內南書
房之別稱

留侯

張良遇圯上
老人授以書

曰讀此可爲王者師借沛公引兵入咸陽運籌帷幄沛公倚之後封留侯

內相

唐書陸贄傳贄入翰林年尙少以材幸雖外有宰相主大議而贄常居中參裁可否時號內相

倚

馬

世說桓宣武北征袁虎時從會須露布喚袁倚馬前令作手不輟筆俄得七紙殊可觀

探驪

謂文字得題之神髓也莊子河上翁家貧其子沒川得千金之珠翁曰珠在驪龍領

下子能得之

玉繩

李商隱令狐學士詩曉飲豈知金掌迴夜吟應訝玉繩低

緋袍

宋史儀衛志奉珍珠七寶翠毛華樹二人衣緋袍

紫誥

杜甫詩紫誥仍兼綰黃麻似六經

青瑣

漢書元后傳曲陽侯根驕奢僭上赤墀青瑣師古注刻爲連環之文而青塗之也

相如

司馬相如爲文溫麗上林子虛二賦

控引天地錯綜古今楊子雲曰廟廊之下朝廷之上高丈典尺則用相如

微之

唐元和初對策舉制科累官尙書左丞善爲詩以平易勝與白居易齊名時稱元和體宮中妃嬪多誦之呼元

才鳳藻

言文詞之美也李白文揮爾鳳藻挹予霞觴

鵬搏

喻奮發有爲也莊子鵬之徙於南冥也水擊三千里扶搖而上者九萬里

宦海

顏

卿舉進士有道士謁曰子有清簡之名不宜自沉於名宦之海

蠹魚

性書蟲也

天末

楊蟠金山詩云天末樓臺橫北岡夜深燈火見揚州

上總統辭顧問

大總統鈞鑒竊某往聞文信國對元主願黃冠備顧問此

賓而不臣之禮非碌碌者所可倖邀况邇者舊邦新命內外靡

不屬目仲舒對策申公應徵俊傑聯翩足備器使睿裁位置

靡不得人大好江山居然再造羨佩羨佩某幼溺章句於經濟殊乏體會往時旅進旅退建樹毫無迭荷優容已屬萬幸乃併牛溲馬勃盡入藥籠雖國家垂念舊人而前席相諮寒蟬等噤其不貽笑於賈生也幾希鑑湖一曲儘堪終老漁僮漁婢聊可與娛某亦借樗櫟餘年重譜昇平之話而已萬幾有暇幸自珍攝江湖魏闕不盡拳拳

舊邦

詩經周雖舊邦其命維新

仲舒

仲舒少治春秋下帷講授三年不窺園圃以賢良對天人三策勸武帝勉力學問

申公

漢書武帝紀遣使者安車

蒲輪東帛加璧徵魯申公

器使

君子易事而難說也及其使人也器之

再造

唐書國家再造卿力也

馬勃

韓愈文牛溲馬勃敗鼓之皮兼收並蓄

前席

李商隱賈生詩可憐夜半虛前席不問蒼生問鬼神

寒蟬

後漢書劉勝位爲大夫見禮上賓而知善不薦聞惡無言隱情惜已自曰寒蟬此罪人也

鑑湖

杜甫詩越女天下白鑑湖五月涼

樗櫟

不材之木莊子吾有大樹人謂之樗其大本擁腫而不中繩墨其小枝卷曲而不中規矩

萬幾

言王者當戒懼萬事之幾微也

後謂天子治理萬事曰萬幾

魏闕

亦曰象魏古宮門縣法之所也莊子身在江海之上心居魏闕之下

勸秘書調和府院意見

某某先生閣下。漢宋季世。競談朋黨。然李杜陳竇相爭者。刑餘之人耳。猶可言也。熙豐門戶。肇自荆公。其後洛蜀分塗。兩賢亦至於相厄。嗚呼。章惇呂惠卿輩之誤人家國如是如是。夫亦攻其瑕隙而來也。語云。木必自腐也。而後蟲生之。春秋之律。責備賢者。今以曉音瘖口。創此室家。正宜上下一心。爲民造福。若僅因區區權限。頓起參商。文牘往來。貿然掣肘。抑何所見之不廣耶。執事名流領袖。衆口皆碑。此番內外情形。非得鼎力維持。恐難言歸於好。書曰。爲上爲德。爲下爲民。度我公亦不肯多讓也。否則宵小播弄。時局漂搖。禍患之來。匪伊朝夕。惟先生拯之。專懇敬請。公祺並盼。玉復。

李杜

漢順帝朝李固爲太山太守杜喬按察兗州奏固政天下第一累遷太尉帝崩竇憲欲立蠡吾侯固等欲立清河王遂成黨見

陳竇

陳蕃與竇武謀誅宦官反爲所害

熙豐

宋熙寧元豐兩年號也

荆公

宋神宗朝王安石變新法立黨派後封荆國公

洛蜀

宋哲宗朝分洛蜀朔三黨洛黨以程頤爲首朱光庭賈易爲輔

蜀黨以蘇軾爲首呂陶等爲輔

章呂

爲熙豐朝用事之臣與蔡卞齊名

曉音瘖口

詩經鴟鴞章予口卒瘖曰予未有室家又云予維音曉曉

參

商

二星名商居東方參居西方二星相背而出永不相見

掣肘

宓子賤爲單父宰請借善書者至單父從旁引其肘書醜則怒之

口碑

五燈會元路上行人

碑口似

上總統辭嘉禾章

大總統賜鑒竊某山澤之民芟帶荷裳蕭閒自適於心慰

矣於願足矣煌煌明令獎以名器京華北望受寵若驚

然回溯比年以來軒冕緇塵不復再與縉紳之列芒屨巖壑竹

杖溪橋野服往還大率寄情詩酒勳章榮典不妨留賞有功

世外畸人似嫌不稱若欲重登仕版再換朝簪疏懶形骸難膺

繁劇即使。渥承優禮。比諸客星。而千丈軟紅。復來插脚。恐不免。麥秀黍離之感也。地方公益。隨時當陳達有司。錫賚所加。敬請無庸。下賁略談近狀。非出矯情。卅載舊交。諒不我強。專此藉頌。福履。

荷裳

王昌齡詩應須枉車騎爲我訪荷裳

名器

左傳惟名與器不可以假人

緇塵

李益詩晚逐旌旗俱白首少游京洛共緇塵

芒屨

陳師道詩竹杖芒鞋取次行琳瑯觸目路人驚

畸人

莊子畸人者畸於人而侔於天畸獨也

仕版

官吏之冊籍也宣和書譜張華爲本郡太守所薦始登仕版

朝簪

沈佺期詩三章懸聖藻五等冠朝簪

客星

嚴光與光武同臥以足加帝腹明日太史奏客星犯帝座

軟紅

蘇軾詩軟紅猶戀屬車塵

麥

秀

箕子歌麥秀漸漸兮禾黍油油兮

黍離

詩經有黍離篇小序云閔宗周也

▲國務院

賀總理通過兩院

敬肅者。竊某滯迹南交。忝參軍實。傾心北斗。每望京華。方欣。